

弱喪淪流路轉差
玲玢千古不還家
檀槐身世同行螳
蠻觸閭浮等戰蝸
聲色纏綿濃似蜜
是非翻攪亂如麻
誰能自立衝天志
跳出迷津上月槎

獨行

印破玄玄得縱收
須眉毫末盡天遊
忘懷物外求雞犬
恆服從人喚馬牛
有質揮斤無犯鼻
無情墮甑不回頭
寥寥月白風清夜
江海飄飄一葉舟

味真

清淨無爲體妙玄
一毫纔起污心田
伸眉頃刻生多事
啟口分明落一邊
有底坐同株塊累
幾多空被葛藤纏
聚頭作相干何

道藏輯要

雲山集

九

鼎集六

事勘破般般不直錢

形昧

元初撲入此形囚
冗冗勞生不暫休
般弄骨骸呈伎倆
簸揚塵土販何樓
是非叢裏爭開口
人我山前競出頭
只待鼻綿吹不動
髑髏甯帖卧荒邱

勞生

附贅懸疣大患身
從初特特認爲真
貧窮急迫無由歇
富貴經營不暫伸
名利場中添氣力
私邪路上長精神
到頭畢竟成何物
苦您當機戲弄人

邪見